



**Venerabilis Bedæ Presbyteri Anglo-Saxonis, Doctoris  
Ecclesiæ Vere Illuminati Opera Theologica, Moralia,  
Historica, Philosophica, Mathematica & Rhetorica,  
quotquot hucusque haberi potuerunt omnia**

In Vetus Et Novum Testamentum, Salvberrimis In Moysis Pentatevchvm,  
Tobiam & Iobum, Libros Regum, Davidis Pasalmos, Parabolas Salomonis &  
Cantica, Prophetas &c. explanationibus & Quæstionibus enodata:  
Moralibus doctrinis & expositionibus in quatuor Evangelistarum Evangelia  
illustrata: facundissimis ...

Qvo Eivsdem Philosophia, Mathesis Et Chronologia: Sive De Natura Rerum,  
Ratione Temporvm., Sex Mvndi Ætatibvs, Philosophiæ Elementis; Et Alii  
Vtilissimi Simvl Et Cvriosi Tractatus

**Beda <Heiliger>**

**Coloniæ Agrippinæ, 1688**

Sibillina oracula.

---

[urn:nbn:de:hbz:466:1-72047](https://nbn-resolving.org/urn:nbn:de:hbz:466:1-72047)

VENERABILI BEDÆ PRESBY-  
TERO ETIAM HÆC SIBYLLINORVM  
VERBORUM INTERPRETATIO ASSCRIBITUR

à nonnullis, quam, ne desideraretur, apposuimus.



**S**IBYLLÆ generaliter omnes fœminæ dicuntur prophetantes, quæ ob divinam voluntatem, omnibus interpretari, & ventura pronuntiare solebant. Tradunt autem doctissimi Authores, decem fuisse Sibyllas. Quarum prima, Persis: secunda, Libya: tertia, Delphica est, quæ ante Trojana bella, vaticinata est: quarta, Cuma, in Italia: quinta, Eritrea, in Babylonia orta, dicta Eritrea, ab insula, in qua Jesus dicta sunt carmina: sexta, Samiana, à Samo flumine Beneventano vocata: septima, Almetia, vel Camana: octava, Hellepontica: nona, Phrygia: decima, Tiburtina Græcè, Albunea Latine vocatur: ex cujus carminibus multa de Deo & Christo scripta continentur. Fuit igitur hæc Sibylla, Priamidis regis filia, & ex matre Hecuba procreata. Vocata est autem in Græco Tiburtina, Latine verò Albunea nomine, vel Callandra: & illa circumiens diversas provincias ac partes orbis, prædicavit Asiam, Macedonia, Erolachiam, Agaguideam, Ciliciam, Pamphiliam, & Galatiam. Quumque mundi partes vaticiniis suis replisset, inde venit Ægyptum, Æthiopiam, Bragadam, Babyloniæ, Africam, Libyam, Pentapolum, Mauritaniam, & Palarinum. In omnes has provincias prædicavit, & spiritu prophetia repleta, prophetauit bonis bona, malis mala. Scimus namque quæ in præconiis suis annuntiavit, & quæ in novissimis erant ventura, prædixit. Audientes igitur famam ejus Romani, statim nuntia verunt in conspectu Senatorum. Mittentes ergò Senatores legatos ad eam, fecerunt ipsam cum magno honore deduci Romam. Centum igitur viri ex sena Romano, somnium in una nocte viderunt singuli. Videbant singuli quasi novem soles esse in cœlo, qui singulatiim divitiis divites in se figuras habebant. Primus sol erat splendidus & fulgens super omnem terram. Secundus sol splendidior & magnus, ætheream habens claritatem. Tertius sol sanguineo colore flammiger, igneus & terribilis, ac demum splendidus factus. Quartus sol, quarta generatio est tempore Christi, Quintus sol erat tenebrosus, sanguineus, & lampas, sicut in tonitruo tenebrosus. Sextus sol tenebrosus nimis, habebat aculeum limulium scorpionis. Septimus verò sol terribilis erat, & sanguineum iterum habens in medio gladium. Octavus autem sol erat effusus sanguineum habens colorem in medio. Nonus autem sol erat nimis tenebrosus, unum tamen habens radium fulgentem. Quumque Romam ingressa esset Sibylla, videntes eam cives Romani, admirabantur nimiam pulchritudinem ejus: erat enim venusto aspectu, decora vultu, eloquens in verbis: atque Dei pulchritudine factis bene composita, suis auditoribus dulce præbebat eloquium. Venientes autem viri qui somnia viderant, dicunt ad eam: Magistra & Domina, quàm ad magnum decorem est corpus tuum, qualem nunquam in fœminis præter te vidimus! Precamur ut somnium, quod omnes nos in una nocte vidimus, quid futurum præmonstrat, aperias. Respondens Sibylla dixit ad eos: Non est æquum in hoc loco stercoreis pleno, & diversis contaminationibus polluto, sacramento hujus visionis detegere. Sed venite ascendamus ad Appenninum montem, & ibi adnuntio vobis quæ ventura sunt civibus Romanis. Et fecerunt ut dixit. Quos interrogavit: & illi visionem quam viderant, narraverunt ei. At illa dixit ad eos: Novem soles quos vidistis, omnes futuras generationes præignant. Quod verò dissimiles eos vidistis, dissimilis erit vita in filiis hominum. Primus autem sol, prima generatio est: erunt homines simplices & clari, amantes libertatem, veraces, mansueti, benignissimi, amantes consolationes pauperum, & facti sapientes. Secundus autem sol, secunda generatio est: erunt homines splendide viventes, crescentes multum, Deum colentes, sine malitia convertentes in terra. Tertius verò sol, tertia generatio est: exurgit gens contra gentem, & erunt pugnae multæ in Roma. Quartus autem sol, quarta generatio est: erunt homines, quod verum est abnegantes: & in diebus illis exurgit mulier de stirpe Hebræorum nomine Maria, habens sponsum nomine Joseph, & procreabunt ex ea sine commixtione viri, de Spiritu sancto, nomine Jesus: & ipsa erit virgo ante partum, & virgo post partum: qui ergò ex ea nascetur, erit verus homo, sicut omnes Prophetæ prædicaverunt: adimplebitque legem Hebræorum, & adjuget sua propria in unum, & permanebit regnum ejus in secula seculorum: nascetur autem ex eo, exercitus Angelorum à dextris & à sinistris erunt, dicentes: Gloria in excelsis Deo & in terra pax hominibus bonæ voluntatis. Veniet namque vox super eum dicens: Hic est Filius meus dilectus, ipsum audite. Erant ibi ex sacerdotibus Hebræorum, qui audientes hæc verba indignati dixerunt ad eam: Illa verba terribilia sunt: fileat hæc Regina. Respondens Sibylla dixit eis: O Judæi, necesse est ista fieri, sed vos non creditis in eum. Dixeruntque: Nos non credemus, quia verbum & testamentum dedit Deus patribus nostris, & non auferet manum suam à nobis. Respondit eis iterum: Deus cœli sibi generaturus est filium, ut scriptum est: qui similis erit patri suo, & postea ut infans per ætates crearet, & insurgent reges in eum & principes terræ. In diebus illis erit Cæsari Augusto celebre nomen, & regnabit in Roma, & subjiciet omnem terram sibi. Non multi, vel non pauci: non tres, neque duo sunt dii, sed unus Deus, solus & immensus, qui fecit cœlum, solem, stellas & lunam, frugiferamque terram & mare. Qui autem illum honorant, æternam vitam hæreditabunt, perpetuum cujus ipsi hæreditabunt paradysum. Mortuorum verò simul resurrectio erit, & claudorum cursus velocissimus erit, surdi audient, & cæci videbunt, non loquentes loquentur, ex quinque panibus quinque milia hominum saturabit, & colligentur reliquæ fragminum duodecim cophini, exinde replebunt in specie populorum. Ventos compefcens verbo, mare calcans, ambulans super undas, infirmitates omnibus solvet, surgere faciet mortuos, repellens multos dolores: & de pane uno saturatio erit vivorum. Sed quum omnia fuerint perfecta quæ dixi, in ipso omnis resolvetur lex, & impias manus infidelium postea inveniet. Post hæc convenient sacerdotes Hebræorum contra Jesum, quia multa signa faciet, comprehendentque eum, dabunt Deo a lapas manibus incestis, & in vultu sacro expuent venenata sputa. Dabit verò ad verbera sanctum dorsum simpliciter, & colaphos accipiet: tacebit, ne quis agnoscat unde verbum venit: coronâ spinæ coronabitur, ad cibum autem fœl, & ad sitim accetur, dabunt, & suspendent eum in ligno, & occident. Templi verò velum scindetur in medium, & dies erit tenebrosus per horas sex, & fortet mortis finie tribus diebus somno suscepto, & tunc ab inferis regressus ad lucem veniet. Et nihil valebit eis, quia die tercia resurget, & ostendet se discipulis suis, & ipsis videntibus in cœlum ascendet, & regni ejus non erit finis. Dicitur me Judæi insanam & mendacem Sibyllam: quum autem facta fuerint omnia, tunc demum reminiscetur me, & nullus postea me dicit insanam, sed Dei magnam Sibyllam. Dixitque principibus Romanorum: Quintus autem sol quinta generatio est: eligit sibi Jesus duos piscatores de Galilæa, & leges suas docebit eos, dicens: Ite, & doctrinam quam accepistis à me, docete omnes gentes, & per septuaginta & duas linguas subjicietur omnes nationes. Sextus autem sol sexta generatio est, & expugnabunt istam civitatem annos tres & menses sex. Septimus verò sol, septima generatio est: & exurgit duo reges, & multas faciet persequutiones in terra Hebræorum, propter Dñm. Octavus autem sol, octava erit generatio, & in desertatione erit Roma, & prepu gnantes ululabunt in tribulationibus, & doloribus, dicentes: Purasne perjemus? Nonus autem sol, nona generatio est: & exurgit Principes Romæ, in perditione multorum. Tunc exurgit duo reges de Syria, & exercitus eorum innumerabilis sicut arena

maris, & obtinebunt civitates & regiones Romanorum usque ad Chalcedoniam. Et tunc multa erit sanguinis effusio. Omnia quae quum remittuntur, civitas & gens contremiscunt in eis, & disperdent Orientem. Et post hæc surgent duo Reges de Ægypto, & expugnabunt quatuor Reges, & occident eos, & omnem exercitum eorum, & regnabunt annos tres, & menses sex. Et post eos alius Rex per c litteram nomine, potens in prælio, qui regnabit annis triginta, & ædificabit templum Deo, & implebit legem, & faciet iudicium propter Deum interea. Et post eum surget alius Rex, qui regnabit paucis temporibus, & expugnabit, & occident eum. Post hæc verò erit Rex per b nomine, & de b præcedet rex Audon, & de Audon egredietur A, & de A præcedet A, & de hoc generabitur A: & ipse secundus A erit bellicosus nimis & præliator. Et de ipso A nascetur Rex per a nomine, & de a nascetur L, & potestatem habebit super decem & novem Reges. Et post hæc surget rex Salicus de Francia, per k nomine: ipse erit magnus & piissimus, potens & misericors, & faciens iustitiam pauperibus. Tanta enim erit in eo virtutis gratia, ut per viam gradientem arborum contra eum inclinenter cacumina. Aqua enim occurrens, minime cursum ejus tardabit. Similis autem imperio Romanorum rex ante non fuit, nec post eum futurus est. Et veniet Rex post eum per l nomine, & post hoc regnabit l, & post l triginta, & de l egredietur A & ipse A erit nimis bellicosus & fortis in prælio, & multus erit per terram, sive per aquas, & non dabitur in manibus inimicorum, & morietur exul extra regnum, & in manu Dei anima ejus erit. Tunc exurget Rex per v nomine, & ex una parte Salicus, & alia Longobardus, & ipse habebit in terra potestatem contra pugnantes, & contra omnes inimicos. Et in diebus illis procedet Rex per O nomine, & erit potentissimus, & fortis, & bonus, & faciet iustitiam pauperibus, & rectè iudicabit, & de ipso procedet alius O potentissimus, & erunt sub eo pugnae inter paganos & Christianos, & sanguis Græcorum eorum effundetur, & cor ejus in manu Dei, & regnabit annis septem, & de ipsa muliere nascetur Rex per o nomine: hic erit sanguinarius & facinorosus, & sine fide & veritate, & per ipsum multa erit malicia in terra, & multa sanguinis effusio, & destructæ erunt Ecclesie in ipso potestate. In aliis namque regionibus tribulationes erunt multæ & prælia. Tunc surget gens contra gentem in Cappadociam, & Pamphiliam captivabunt in illo tempore, eò quòd non intravit per ostium in ovile: hic namque Rex regnabit per annos quatuor. Et post eum surget Rex per n nomine, & in diebus ejus pugnae multæ erunt, Syriam expugnabunt, & Pentapolim captivabunt. Ipse enim Rex erit ex genere Longobardorum. Tunc exurget alius rex Salicus per c nomine, & expugnabit Longobardos, & erunt prælia & pugnae. Ipse autem Salicus erit fortis & potens, & paucis temporibus erit regnum ejus. Tunc exurgent Agareni & tyranni, & captivabunt Tarentum & Bari, & multæ civitates deprædabuntur. Et etiam volentes venire Romam, & non est qui resistat eis, nisi Deus deorum, & Dominus dominorum, Tunc venientes Armeni Persidem disperdent, ita ut non recuperent civitates, quas deprædabunt, & accurrentes ipsi ponent fossas juxta Orientem, & expugnabunt Romanos, & obtinebunt pacem aliquantisper. Et intrabit rex Græcorum, vir belligerator Æpolim, destruet templa idolorum: & veniet locusta & bruchus, & comedent omnes fructus Cappadociae & Ciliciae, ac fame cruciabantur, & postea non erit amplius. Et confurget rex salicus alius, scilicet n, vir fortis & belligerator, & indignabuntur contra eum multi vicini & parentes. In diebus illis tradet frater fratrem, & cum forore commiscebitur, & multa nefanda hominum erunt in terra. Senes cum virginibus cubabunt, & sacerdotes mali cum deceptis puellis, Episcopi malefactorum sectatores erunt, & fiet effusio sanguinis in terra, & templa Sanctorum polluent. Et erunt in populo fornicationes, immundities, & Sodomiticum scelus, ita ut visio ipsorum in contumelia ejus appareat. Et erunt homines raptores, contumeliosi, odientes iustitiam, & amantes falsitatem, & iudices Romæ immutabuntur. Si hodie ad iudicandum admittuntur, alio die mutabuntur, propter pecuniam accipiendam, & non iudicabunt rectum, sed falsum. Et erunt in illis diebus homines rapaces, cupidi & perjuri, & amantes falsitatem, & destruetur lex & veritas, & fiet terræ motus per loca diversa & insularum civitates, & regiones demergentur. Et erunt per loca pessilentiae hominum, & terra ab inimicis desolabitur, & non prævalebit consolari eos vanitas Deorum. Postea exurget Rex per l nomine. Et erunt sub illo bella, & 12. annis regnabit. Et post hunc surget Rex per r nomine, & veniens obinebit, & regnabit aliquanto tempore, & veniet Romam, & captivabit eam, & non mortificabitur anima ejus in manu inimicorum ullis diebus vitæ suæ: sed erit bonus & magnus, & faciet iustitiam pauperibus, & ipse vivet multo tempore. Post hæc verò surget alius Rex per n nomine: & de ipso n præcedent duodecim n, & erit de genere Longobardorum & Teuthonicorum, & regnabunt per annos centum. Tunc post eum exurget Rex n nomine, Salicus de Francia. Tunc initium dolorum erit, qualis non fuit ab initio seculi. Et erunt in diebus ipsius multæ pugnae, & tribulationes multorum, & sanguinis effusio, & terræ motus per civitates & regiones, & terra multæ captivabuntur, & non erit qui inimicis resistat, quia Dominus iratus erit in terra. Roma in persecutione & gladio expugnabitur, & erit deprehensa in manu ipsius Regis. Et erunt homines rapaces, cupidi, tyranni, odientes pauperes, opprimentes infantes, & salvantes noxios. Eruntque iniusti & nequissimi, & dominatores exterminii captivabuntur: & non est in terra qui pro eis resistat & eruat eos, propter malitias eorum & cupiditates. Et tunc exurget Rex nomine n, animo constans. N ille idem constans erit Rex Romanorum & Græcorum, hic statua grandis, aspectu decorus, vultu splendidus, atque per singula membrorum lineamenta decenter compositus, & ipse regnum 122. annis terminabitur. In illis ergò diebus erunt divitiæ magnæ, & terra abundanter dabit fructum suum, ita ut tritici modium denario uno venundetur, modium vini denario uno, modium olei denario uno. Et ipse Rex scripturam habebit ante oculos, dicentem: Rex Rom. omne sibi vendicat regnum Christianorum, Omnes ergò insulas & civitates paganorum devastabit, & universa idolorum templa destruet, & omnes paganos ad baptismum convocabit, & per omnia templa Crux Christi Jesu erigetur. Tunc namque præveniet Ægyptus Æthiopiæ munus dare Deo. Qui verò Crucem Jesu Christi non adoraverint, gladio punientur. Et cum completi fuerint 122. anni, Judæi convertentur ad Dominum, & erit ab omnibus sepulchrum ejus gloriosum. In diebus illis salvabitur Istaël, & habitabit confidenter. In illo tempore surget princeps iniquitatis de tribu Dan, qui vocabitur Antichristus. Hic erit filius perditionis, caput superbiae, magister erroris, plenitudo malitiæ, qui subvertet orbem, & faciet prodigia & signa magna per falsas simulationes: deludet autem per artem magicam multos, ita ut ignis de caelo descendere videatur. Et minuentur anni sicut menses, & menses sicut septimana, & septimana sicut dies, & dies sicut hora. Et exurgent ab Aquilone purcissimæ gentes, quas Alexander rex includit, Goth videlicet & Magoth. Hæc duodecim regna, quorum numerus est sicut arena maris. Cum autem audietur Rex Rom. convocato exercitu debellabit eos, atque prosternet usque ad internecionem. Et postea Rex veniet Hierusalem, & ibi deposito capitis diademate, & omni habitu regali, regnum Christianorum Deo Patri relinquet, & Filio ejus Jesu Christo. Et cum cessaverit imperium Romanum, tunc revelabitur manifestè Antichristus, & sedebit in domo Domini in Hierusalem. Regnante autem eo egredientur duo clarissimi viri, Helias, & Enoch, ad annuntiandum adventum Domini: & Antichristus occidet eos, & post dies tres à Domino resuscitentur. Tunc erit persecutio magna, qualis non fuit antea, nec postea subsequetur. Abbreviabit autem Dominus dies illorum, propter electos, & occidetur virtute Domini Antichristus à Michæle Archangelo in monte Olivæ. Quumque hæc Sibylla & alia multa Romanis prædiceret futura, quibus etiam signis ad iudicandum Dominus venturus est, vacinando, versus intonuit, dicens:

## VERSUS SIBYLLINI DE CHRISTO.

**U**DICTI signum: tellus sadore madefcet,  
 E caelo Rex adveniet per secula futurus,  
 Scilicet in carne praesens, ut iudicet orbem:  
 Vnde Deum cernent incredulus atque fidelis,  
 Celsum cum sanctis iam terminus extat in ipso,  
 Sic anima cum carne aderunt, quas iudicat ipse,  
 Cum jacet incultus densis in vepribus orbis,  
 Rejicient simulachra viri, cunctam quoque gazam,  
 Exuret terras ignis pontumque polumque:  
 Inquirens ceteri portas effringet Averni,  
 Sanctorum sed enim cuncta lux libera a carni,  
 Tradentur fontes, aeternaque flamma cremabit.  
 Occultos actus manifestans quisque loquetur,  
 Secreta atque Deus referabit pectora lucis,

Tunc erit & lactus, stridebunt dentibus omnes,  
 Eripitur solis iubar, & chorus interit astris,  
 Volvetur caelum, lunari splendor obibit,  
 Deficiet colles, valles extollet ab imo:  
 Non erit in rebus hominum sublime vel altum,  
 Iam aequantur campis montes, & carula ponti,  
 Omnia cessabunt, tellus confracta peribit:  
 Sic pariter fontes torrencur suminaque igni.  
 Sed sub a per sonitum tristem dimittet ab alto,  
 Orbe genus factus miserum varioque labores,  
 Tartareumque chaos monstrabit terra debiscens,  
 Et coram hoc Domino Reges sistentur ad unum,  
 Recidatque è caeli ignisque & sulphuris annis:

Tunc iudicabit Dominus secundum uniuscuiusque opus, & ibunt impij in gehennam ignis aeterni: iusti vero vitæ aeternae premium recipient, & caelum novum, & terram novam, & mare iam non erit. Et regnabit Dominus cum Sanctis in secula seculorum. Amen.

T O M I S E C V N D I  
 F I N I S .

